

## **TROPHY HUNTING GREENLAND APS-imi AALLAANIARNERMI ISUMANNAALLISAANERMUT PILERSAARUT**

### **AALLAQAASIUT:**

Isumannaallisaanermut pilersaarutitsinni isumannaallisaanermut tunngasut inatsisitigullu piumasaqaatit tunngaviupput. Isumannaallisaanermut pilersaarut pissarsiariuminartuussaaq immikkullu ilisimariigaqarnissamut ilinniarsimasuunissamillu piumasaqaateqanngitsumik tamanit paasiuminartuussalluni. Atuisuvut namminerlu isumannaallisaanerput tamanit pingaarnerpaatippavut, taamaattumik aallaaniarneq misigisassallu pingaaruteqaraluartut isumannaallisaaneq pilliutigineqanngisaannassaaq.

Kikkulluunniit ilisimavaat aallaaniarneq nujuartallu isumatusaanngikkaanni ulorianarsinnaasut, atuisutullu aallaaniartitsinitsinni aarlerinartut tamakku ilanngussaq 1-imi "Assumption of risk"-ip atsiorneratigut akuerissavatit.

Silatusaarnikkut aarlerinartorsiornissaq ungasinnerussaaq, angallassisunniillu isumannaallisaanermut malittarisassat malittuarnerisigut aarlerinartut taakku minnerpaaffissaminniissapput.

Isumannaallisaanerput immaqa pisariaqanngissorineqarsinnaavoq, atuisuvullu assigiinngitsunik tunuliaqutaqarput taamaattumillu aarlerinarsinnaasutut nalilikkavut tamarmik pilersaarutitsinni ilanngunneqartariaqarput. Tamatuma saniatigut isumannaallisaanermut pilersaarutip aqqissugaaneranut imarisaanullu tunngatillugu inatsisitigut piumasaqaateqarpoq maleruagassatsinnik, naak taamak suliarisariaqanngikkaluaripput.

### **ISUMANNAALLISAANERUP AAQQISSUGAANERA:**

Pisortaq suliffeqarfimmillu piginnittoq Erik Lomholt-Bek isumannaallisaanermut tunngasut pingaarnerit tamaasa akisussaaffigai tassunga ilanngullugit isumannaallisaanermut pilersaarut una taassumalu iluarsaattarnera.

Ulluinnarni sulianni isumannaallisaanermut akisussaasoq qaninnerpaaq tassaavoq angallassisooq ilagisat.

Isumannaallisaanermut tunngasunik arlaannilluunniit angallassisuit akissuteqarfigisinnaanngisaanik apeqqutissaqaruit, Erik attaveqarfiginiarlugu angallassisut qaqugukkulluunniit piumaffigisinnaavat. Erik angallassisartullu sumiikkaluaruttaluunniit tamatigut attaveqarfigineqarsinnaasarput, Garmin Inreachimik (Inreach) attaveqaasersuutit tamatigut nassartarpagut, taakku atorlugit immitsinnut attaveqarfigisinnaavugut, aamma e-mailikkut, oqarasuaatinut SMS-ikkut attaveqarsinnaavugut kiisalu Inreach ajunaalernermi kalerrisaaruteqarpoq annaassiniartartunullu attaveqarsinnaalluni.

### **ISUMANNAALLISAANIKKUT MALITTARISASSAT:**

Aallaaniarneq aallartitsinnagu angallassisuit isumannaallisaanikkut malittarisassat, ilaatigut sakkunik atuinerput malittarisassaativut nassuiaatissavai, sakkutit misissussavai, atisatit misissussavai, eqqortunik atisaqarnersutit qulakkeerniarlugu (pingaartumik ukiukkut pingaaruteqarpoq). Ajornakusoorpallaanngillat, angallassisuit isumannaallisaanikkut aallaaniarnermullu malittarisassiai maliinnassavatit.

### **AARLERINARTUNIK NALILERSUINEQ:**

Aarlerinarsinnaasut pingaarnerit taakkununngalu isumannaallisaanikkut malittarisassivut immikkoortumi uani nassuiarneqarput.

- Aallaasinik atuineq
- Qaqqami tammartajaarneq
- Nakkarluni ajutoornerit
- Silarlunnera
- Assartuutininik aserortoorneq

- Attaveqaatinik aserortoorneq
- Napparsimaneq
- Aallaaniartup ajoqusernera
- Isumannaallisanaanermut pilersaarummik aamma/imaluunniit isumannaallisaaikkut malittarisassanik unioqqutitsineq

#### **Aallaasinik atuineq:**

Aallaasinik qanoq ikkaluartunik atuinermi angallassisoq imassalersuinissamik oqartinnagu aallaasit suulluunniit imassalersorneqassanngillat.

Aallaat isumannaallisarsimanersoq apeqqutaatinnagu qaqugukkulluunniit imassalersorfiani imassaqaassanngilaq.

Imassalersornerup aamma/imaluunniit aallaanerup kinguninngua imassalersorfia imaaqqinneqassaaq angallassisumiillu aallaat misissorneqassaaq.

Aallaaniarnerup nalaani immersagaq imaqaarsinnaavoq aatsaat angallassisup akuerippagu.

Angallassisup akuersineratigut taamaallaat aallaaqqusaavutit taamaallaallu angallassisutitip tikkuagaanut aallaaqqusaallutit.

Angallassisoq peqatiginagu aallaaqqusaanallu aallaaniaqqusaanngilatit, aamma tammaarsimaarfimmi misileraalluni seqqortaarfiusumi tammaarsimaarfimmiluunniit nujuartanut.

Aallaasit inunnut, illunut, qamutinut assigisaannulluunniit qaqugukkulluunniit ummiunneqassanngillat, naak aamma ilisimagaluarlugu aallaat imassaqaanngitsoq.

Aallaasit pillugit isumannaallisanaanermik unioqqutitsineq aallaaniarnerup akiliutinik utertitsinertaqaanngitsumik taamaatinneqarneranik kinguneqaarsinnaavoq.

#### **Qaqqami tammartajaarsinnaaneq:**

Qaqqat ilisimanngikkaanni suut tamarmik assigiissorinarsinnaapput, aqullu eqqortoq malikkaanni allanik inoqaanngilaq ikiortissallu 100 km-ingajannik ungasitsigipput.

Taamaattumik aallaaniarnermi kisimiillutit ingerlassanngilatit, angallassisoq tamatigut ingiaqatigissavat.

Angallassisoq tamatigut Inreachimik nassataqartarpoq THG ApS-imilu angallassisunik allanik aqutsisunullu attaveqaarsinnaavoq, soorlutaaq annaassiniartartunut SOS-imik nassitsisoqaarsinnaasoq.

Tammaarsimaarfimmiikkuit aallaaniaqataanngikkuillu, tammaarsimaarfik qimaqqusaanngilat, tassa imaappoq tammaarsimaarfiup eqqaani 500 meterit iluanniissaatit. Ungasinnerusumut ingerlasimaguit ikiorneqarnissannillu pisariaqartitsillutit, aallaaniareerluta tammaarsimaarfimmut uterutta nanisinnaajunnaanngilatsigit.

Tamanna aamma ima isumaqarpoq, aallaaniarfimmiit tammaarsimaarfimmut kisivit ingerlaqqusaanngitsutit, aallaaniartut marluugussi angallassisumik peqateqarlusi, aallaaniartup aappaa ingerlaqqissinnaanngippat tammaarsimaarfimmullu uterniarluni, tamatta tammaarsimaarfimmut utissaagut.

#### **Nakkarluni ajutoornerit:**

Angallassisoqartinnak kisimiinngisaannassaatit, angallassisullu sumiiffinnut qallorfigisassakkut allatigulluunniit qaqqamiit nakkarnissannut aarlerinartunut ingerlatinngisaannassavaatit. Kisianni kikkulluunniit nakkarsinnaapput, taamaattumik nakkaruit ajoquserlutillu tammaarsimaarfimmullu utersinnaanngikkuut, angallassisup annaassiniartartut kalerrisaarsinnaavai.

Angallassiguarnarli nammineq akilertussaallugu eqqaamassavat, taamaattumik sillimmasersimanissat qulakkeeruk.

**Silarlunnera, pingaartumik ukiukkut nillerneru:**

Angallassisuit silassaq tamatigut ilisimasarpaa, silarlunnissaalu ilimasaarutigineqarsimappat isumannaallisaanikkullu tamanna ajornartorsiutaasinnaappat, tammaarsimaarfimmiiginnarnissaq tammaarsimaarfiulluunniit eqqannguani nujuartanik taamaallaat isiginnaarnissaq pisariaqarsinnaavoq.

Tamanna amerlanertigut ukiukkut taamaallaat ajornartorsiutaasarpoo, isserujussuarpat (-40 C-inik issippat) tammaarsimaarfimmit ungasissumut tamatta uteqqiffiginnaasatsinnit ungasinnerusumut ingerlasinnaanngilagut.

Qaqqami sumiissusersiniarnermik ajornartitsisumik pujoraasarpat, sakkortuumillu anorlerluni perserpat tammaarsimaarfik aamma qimassinnaanngilarput. Tammartajaarsinnaavugut, ajornartoornermilu annaassiniartartunit nassaarineqarsinnaajunnarnata.

**Assartuutitik aserortorneq, pingaartumik ukiukkut:**

Ukiukkut ATV aamma/imaluunniit qamuteralaat atorlugit tammaarsimaarfimmiit aallaaniarfissamut ingerlasarpugut. Teknikkit tamarmik assigalugit atortorissaarutit aserorsinnaasarpugut.

Sakkunik aallartitsissutinillu il.il. nassartuaannarpugut. Angalanerup nalaani annikinnerusunik iluarsaassisinnaavugut.

Tammaarsimaarfik km-erinik arlalinnik ungasitsigippat assartuutitik ataasiinnaanngitsunik ingerlasarpugut. Angallassisutit tamatigut minnerpaamik marluusarpugut inunnillu assartuutit qamutit atornerqartarpugut, taamaattumik aserortoornermi angalaqataasut tamarmik tammaarsimaarfimmut utertissinnaaniassagatsigit. Nalinginnaasumik angallassisutit pingasut atortarpavut.

Angallassisutit tamarmik aserussagaluarpata annaassiniartartunut qaqugukkulluunniit kalerrisaarisinnaavugut qulimiguulimmillu nassiussissappugut.

Aallaaniarfissanut aasakkut assartuinermit biilit ATV-lluunniit atortarpavut ikiortissarsiorluta sianersinnaajunaannarluta, tamannalu isumannaallisaanermut ulorianartorsiortitsissanngilaq.

**Attaveqaatinik aserortorneq:**

Inreachip attavia qaammataasatigullu oqarasuaat attaveqassanngikkaluarpata, sila apeqqutaalluni tammaarsimaarfiup eqqaaniinaq aallaaniarnissaq pisariaqarsinnaavoq.

**Napparsimaneq:**

Kikkulluunniit napparsimalersinnaappugut annikitsumik napparsimanermit immikkut ittumik iliortoqarneq ajorpoq, taamaattumik aallaaniaqataasinnaavutit tammaarsimaarfimmiiginnarsinnaallutilluunniit.

Inuunermik ulorianartorsiortitsinngitsumik napparsimanermit aallaaniaqataasinnaanngilatit tammaarsimaarfimmiiginnassaatiili. Pisuni amerlanermit aallaaniarneq taamaatikkusukkukku illoqarfiliassinnaavatsigit.

Napparsimarulukku it illoqarfiup napparsimavianukaatissavatsigit tamanna isumannaatsumik pisinnaappat assartuinerlu amerlanerpaamik akunnermik ataatsimik siviussuseqarpat. Akunnerup ataatsip iluani illoqarfimmut apuussinnaanngikkutsigit pinasuartuuppalluunniit annaassiniartartut kalerrissavugut, nalinginnaasumillu taakku akunnerup ataatsip iluani piffimmut qulimiguulimmik apuuttarpugut.

Illoqarfiliarnissaq qulimiguulimmilluunniit angallakkasuarnissat pisariaqartoq nalilerutsigu, taamaaliussaagut naak illit pisariaqarsorinngikkaluarilluunniit.

**Aallaaniartup ajoqusernera**

Ajoqusersimaguit aarlerinartuq annertunersoq taamaattumillu pisuttuarsinnaanerillu nalilersussavagut. Tammaarsimaarfimmuq qimannissat pisariaqarsinnaavoq. Aallaaniarnermi ullormi siullermi qangali seeqqukkuq ajoqusernerit takkuteqqikkajuttarput. Taamaattumik seeqqutaaqqammeruit uppatitaaqqammeruilluunniit aallaanianginnissat pisariaqarpoq, amerlanertigut ajorneruleriartupallattarmata.

**Isumannaallisaanermut pilersaarummik aamma/imaluunniit isumannaallisaanikkut malittarisassanik unioqquitsineq:**

Isumannaallisaanermut malittarisassavut paatsoorukkit inuunermullu ulorianartorsiortitsinngitsumik annikitsumik unioqqutikkuq oqaluutissavatsigit pissutsinillu nassuiaallutit.

Isumannaallisaanermut malittarisassanik ilisimallugu unioqquitsiguit aallaaniarneq akiliutinik utertitsinertaqanngitsumik taamaatinneqassaaq, aamma aningaasartuutaasimasut, assersuutigalugu illoqarfiliaanneqarnermut aningaasartuutaasimasut ilinnit akilertussanngortinneqassapput.

**UPALUNGAARSIMANERMUT PILERSAARUT**

Upalungaarsimanermut pilersaarummi pinaveersaartinneqartussanik pisoqarnerani, tassa ulorianartorsiulernerme ajutoornermiluunniit qanoq iliussanersutit nassuiarsimapput. Kiisalu THG ApS-imi tamatumunnga tunngatillugu sulisut piginnaasassaattut piumasaqaatit iliussissatullu pilersaarut.

Aarlerinartunik nalilersuinerni immikkoortut tamarmik malinneqartarata aarlerinartut minnerpaaffissaminniitinneqassapput, naatsorsuutiginnngisamilli pisoqariataarsinnaavoq navianartorsiortoqarsinnaalluni ajutoortoqarsinnaalluniluunniit, taamaattumik pisuni tamani qanoq iliornissannut tunngasut maani allassimapput.

**Aallaasinik atuineq.**

Illit aallaaniartutut malittarisassanik maleruaanngikkuit allanullu navianartorsiortitsiguit, aallaaniarnerup sinnerani tamani aallaasinik atuinissamut itigartitaasinnaavutit.

Inoqatinnut aallaannittooruit, annaassiniaasartut politiillu kalerrinneqassapput tassanngaanniit politiit suliaq isumagilissavaat.

**Qaqqami tammartajaarsinnaaneq.**

Aallaaniarneq qimakkukku nassaaripallassinnaanngikkutsigillu annaassiniartartut kalerrinneqassapput. Malugiuk pisoq nammineq pisuussutigigukku tassunga atatillugu aningaasartuutaasut politiinit akiligassiissutigineqassapput.

**Nakkarluni ajutoornerit.**

Nakkaruit ajornerunngitsumillu ajoquseruit tammaarsimaarfimmuq/illoqarfimmuq ingerlaqatigissavatsigit. Ajornerusumik ajoquseruit annaassiniaasartut kalerrissavagut.

**Silarlunnera.**

Silarlunnerani ajoqusernermillu kinguneqarsinnaappat anissanngilagut. Anisimaguttali silarluleriataarunilu, Inreach atorlugu silassaq erngertumik misissussavarput, ajutoortoqaratarsinnaasoq nalilerutsigu tammaarsimaarfimmuq illoqarfimmulluunniit ingerlaannaq utissaagut.

Arlaat timip kissassusaanik nillerpallaartuulerpat arpasaqattaarnikkullu kissassinnaanngippat tammaarsimaarfimmuq utissaagut.

Nammineq isumagisinnaanngisatsinnik pinasuurtumik pisoqariataassagaluarpat annaassiniaasartut kalerrissavagut.

**Assartuutinik aserortoorneq.**

Ukiukkut angallassissutit pingasut tammaarsimaarfimmiit ungasilaaraangatta atortarpavut, taakku arlaat aserortorpata, sinneruttut marluk atorlugit tammaarsimaarfimmut utissaagut. Tammaarsimaarfiup eqqaani illoqarfimmiluunniit saniatigut angallassissutinik peqarpugut aallaqqissallutalu aatsaat angallassissutit atorsinnaalluartut pingasunngoqqippata. Tammaarsimaarfimmi aniilaarnerit, assersuutigalugu sikumi aalisarnermi annikitsunillu aallaaniarnermi minnerpaamik angallassissutit marluk atussapput, aappai aserorpata tammaarsimaarfimmut aappai atorlugit uteriaannaavugut. Angallassissutit tamarmik atorsinnaajunnaarlutik aserorpata annaassiniartartut kalerrinneqassapput.

### **Napparsimaneq.**

Napparsimarulukku it illoqarfiup napparsimavianukaatissavatsigit tamanna isumannaatsumik pisinnaappat assartuinerlu amerlanerpaamik akunnermik ataatsimik sivirususeqarpat. Akunnerup ataatsip iluani illoqarfimmut apuussinnaanngikkutsigit pinasuartuuppalluunniit annaassiniartartut kalerrissavagut, nalinginnaasumillu taakku akunnerup ataatsip iluani piffimmut qulimiguulimmik apuuttarput.

### **Aallaaniartup ajoqusernera.**

Ajoquserujussuarsimaguit illoqarfiup napparsimavianukaatissavatsigit tamanna isumannaatsumik pisinnaappat assartuinerlu amerlanerpaamik akunnermik ataatsimik sivirususeqarpat. Akunnerup ataatsip iluani illoqarfimmut apuussinnaanngikkutsigit pinasuartuuppalluunniit annaassiniartartut kalerrissavagut, nalinginnaasumillu taakku akunnerup ataatsip iluani piffimmut qulimiguulimmik apuuttarput.

### **Isumannaallisaanermut pilersaarummik aamma/imaluunniit isumannaallisaanikkut malittarisassanik unioqqutitsineq.**

Isumannaallisaanikkut pilersaarut ilisimaaralugu unioqqutissimagukku aallaaniarneq taamaatinneqassaaq kingornalu piaarnerpaamik illoqarfiliaanneqassaatit.

### **THG ApS-IMI SULISUT PIGINNAASASSAATTUT PIUMASAQAATIT.**

Sulisut tamarmik isumannaallisaanikkut piumasaqaatit uku eqquutsissavaat:

- Aallaasinut danskit aallaaniarsinnaanermut akuersissutaanni piumasaqaatinut naapertuuttunut ilisimasaqartuussaaq
- Aallaaniarfiusut ilisimassavai aqqutissat ilisimaniassammatigit
- Aallaaniarnermi angallassissutut aallaaniarnermut immikkut ilisimasaqassaaq
- Tuluttut ajornanngippallu oqaatsini amerlanerusuni oqalussinnaallunilu tuluttut oqalussinnaalluarlunilu paasinnissinnaassaaq
- Inreachimik ilisimasaqarluarluni atuisinnaasuussaaq
- ATV-nik qamuterallannillu ingerlatsisinnaanermut allagartaqarlunilu sungiusarsimassaaq
- Akisussaassuseqassaaq isumannaallisaanermullu pilersaarummik maleruassalluni
- Tamanik takunnissinnaasuussaaq pisunullu ulorianartunut iliuuseqarsinnaallunilu pinaveersaartitsisinnaassalluni

### **ULORIANARTORSIORNERMI ILIUSSISSATUT PILERSAARUT.**

Aallaarsimaarnermi kikkut tamarmik aarlerinarsinnaasut ilisimassavaat angallassisullu isumannaallisaanikkut malittarisassiai malillugit Malittarisassanik taakkunannga unioqqutitsineq ullup aallaaniarfiusussap taamaatinneqarneranik ullormiluunniit tassani aallaaniarnissamut periarfissalunnerulernermik kinguneqarsinnaavoq. Kisiannili tassa taamaappoq, isumannaallisaanerlu sunit tamanit pingarneruvoq. Taamaattumik isumannaallisaaneq qulakkeerniarlugu aallaaniartitsisoq ilitersuissaaq, akuliutissaaq iliuussissatullu pilersaarutip atuutilersinnissaa qulakkeerlugu.

Angallassisuit angallassisartut allat aqutisullu Inreach aqutigalugu attaveqarfigisuaannarpai, taamaalilluta pisuni tamani pitsaernerpaamik aqqiissutissarsinnaavugut, soorlutaaq pisariaqarpat annaassiniartartut kalerrissinnaagivut.

Angallassisuit isumannaallisaanermut malittarisassiai oqallisissiaangillat. Maleruarneqassapput. Aallaaniartup tungaaniit isumaqataanngitsoqarpat piumasaqartoqarpalluunniit, kingorna taakku pisortaq Erik peqatigalugu eqqartorneqassapput.

In.In.

Erik Lomholt-Bek

Pisortaq piginnittorlu.

[www.trophy-hunting-greenland.dk](http://www.trophy-hunting-greenland.dk)

+299 522514